



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Psalmi, Sev Precationes D. Ioan. Fisheri Episcopi
Roffensis**

Fisher, John

Lvgdvni, 1572

Psalmvs XV. De Beneficijs Dei, cum gratiarum actione.

urn:nbn:de:hbz:466:1-41688

educes de laqueo pedes meos.

Ad te ô Deus sunt vota mea , reddam
tibi gratiarum actiones, & nunc in secula
seculorum . Amen .

*PSALMVS XV. DE BE-
neſicj Dci, cum gratiarum actione.*

Collaudat te anima mea ô Deus, &
Comnia quę intra me sunt nomen tuū
sanctum.

Gratias tibi agit anima mea , & nun-
quam tradam obliuioni vniuersa tua be-
neſicia.

Qui propitiaris omnibus meis deli-
ctis, & sanas omnes infirmitates meas.

Qui redemisti de morte vitam meum,
ostendens in me gratiam , & misericor-
diam tuam.

Qui satias bonis desiderium meum,
& olim restitues iuuentutem meam.

Fecisti tecum misericordiam in omni
tempore, & vltionem sumpſisti de inimi-
cis meis.

Fuisti mihi ô Domine in munimentū,
& in partem securam salutis meæ.

In consilio tuo dux mihi fuisti , & in
misericordia tua assumpſisti me.

Multi-

Multiplicasti in me magnitudinem tuam, & post iram tuam conuersus, consolatus es me.

Ostédisti mihi tribulationes multas & malas, sed tandem de profundis abyssis eduxisti me.

Notas mihi fecisti vias tuas, non abscondisti à me consilia tua.

Misericors & plenus es gratia Domine Deus, tardus ad iram, & propensus ad bonitatem.

Non irásceris in perpetuum, neque in eternum retines in ira miserationes tuas

Non reddit nobis iuxta peccata nostra, nec punis nos iuxta iniquitates nostras.

Quantum cælum excelsius est quam terra, tantum misericordia tua præualuit erga nos.

Quantum distat Oriens ab Occidente, tam longè semouisti à nobis transgressiones nostras.

Sicut miseretur pater suis liberis, ita super nos misertus es Domine Deus noster.

Non oblitus es plasmatis tui, recondaris quod caro sumus omnis homo viues.

F iij

Quodq; ætas mortalium tanquam fœnum est, ac instar florū agri se habet.

Quos protinus vt austerior ventus flabris suis vexauerit, nulli sunt, neque loci eorum ultra inueniuntur.

Misericordia autem tua Domine perpetua est super timentes te, & iustitia tua semper perseverat.

Dummodo seruamus fœdus tuum, & mandatorum tuorum memores sumus, vt ea faciamus.

Domine in cœlis thronum tuum firmasti, & imperio tuo vniuersa regis.

Exaltabo te ô Deus, & nomen tuum in æternum laudabo, & in seculum seculi.

Omni tempore gratias tibi agam, & nomen tuum illustre reddam in perpetuum, & si quid ultra est.

Magnus es tu Domine, & supra omnem laudem, & magnitudinis tuæ nulla est peruestigatio.

Generatio ad generationem opera tua dicent, & virtutes tuas antiquas enunciabunt.

Magnificētiam gloriæ sanctitatis tuæ, & memoriam multæ bonitatis tuæ semper laudabunt.

Quo-

Quoniā omnibus bonus es tu, & misericordia tua super vniuersa opera tua.

Oculi omnium te expectant, ut des eis cibum suum in tempore.

Aperis manum tuam, & imples omne quod viuit, refectione.

Iustus es Domine in omnibus vijs tuis,
& sanctus in omnibus operibus tuis.

Custodis omnes te diligentes, & non tanget eos tormentum malitiæ.

Laudem tui loquetur os meū, & omne viuens celebrabit nomen tuum sanctum in perpetuum & semper.

Laudate Dominum, ô vos angeli eius,
potentes virtute, facientes iussus eius, obediens voci verbi illius.

Collaudate Deū vniuersi exercit⁹ eius,
ministri eius, qui facitis voluntatem eius.

Magnificate Dominum meū, & exaltamus nomen eius in id ipsum.

Laudate Dominū omnes sancti eius.
cuius solius nomē sublime est, cuius laus cœlos ac terram superat.

Collaudate Dominum vniuersa opera eius, in omni loco imperij eius. Omne quod viuit laudet te Domine. Amen.

Finis 15. Psalm. D. Ioan. Epif. Roff.

F iiiij